

ერთის მხრივ, სსიპ „ვეტერანების საქმეთა სახელმწიფო სამსახური“ (შემდგომში - „შემსყიდველი“), მისი დირექტორის მოადგილის მიერ ჩიგოგიძის სახით და მეორეს მხრივ, შპს „აიფიემ კვლევები“ (შემდგომში - „მიმწოდებელი“) მისი დირექტორის გოჩა ცეციტიშვილის სახით, „სახელმწიფო შესყიდვების შესახებ“ საქართველოს კანონისა და მიმწოდებლის სატენდერო წინადადების საფუძველზე, SPA 170001878 ელექტრონული ტენდერის ჩატარების შედეგად აფორმებენ სახელმწიფო შესყიდვის შესახებ წინამდებარე ხელშეკრულებას (შემდგომში - „ხელშეკრულება“) შემდეგზე:

მუხლი 1. შესყიდვის ობიექტი

- 1.1. შესყიდვის ობიექტს წარმოადგენს: ახალი ამბების სააგენტოების მომსახურებები; (შემდგომში „საქონელი“), CPV კოდი: 92400000
- 1.2. შესყიდვის ობიექტის დეტალური აღწერა და პირობები მოცემულია სატენდერო დოკუმენტაციაში, რომელიც წარმოადგენს ამ ხელშეკრულების განუყოფელ ნაწილს.
- 1.3. შესყიდვის ობიექტის რაოდენობა, ერთეულის ფასი და საერთო ღირებულება მოცემულია ხელშეკრულების დანართ #1-ში, რომელიც წარმოადგენს ამ ხელშეკრულების განუყოფელ ნაწილს;
- 1.4. შესყიდვის ობიექტის მონაცემები (ტექნიკური აღწერილობა) მოცემულია ხელშეკრულების დანართ #2-ში, რომელიც წარმოადგენს ამ ხელშეკრულების განუყოფელ ნაწილს.

მუხლი 2. ხელშეკრულების ღირებულება

- 2.1. ხელშეკრულების ჯამური ღირებულება შეადგენს 70400 (სამოცდაათათას ოთხასი) ლარს.
- 2.2. ხელშეკრულების ღირებულება მოიცავს კანონმდებლობით გათვალისწინებულ ყველა გადასახადს.

მუხლი 3. შესყიდვის ობიექტის მიწოდების ადგილი და ვადა

- 3.1. შესყიდვის ობიექტის მოწოდება განხორციელდება ხელშეკრულების გაფორმებიდან 2017 წლის 31 დეკემბრის ჩათვლით.

მუხლი 4. შესყიდვის ობიექტის მიღება-ჩაბარების წესი

- 4.1. შესყიდვის ობიექტი მიწოდებულად ჩაითვლება მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ, რომელიც დასტურდება მხარეების ან მათი წარმომადგენლების (უფლებამოსილი პირების) ხელმოწერით.
- 4.2. შემსყიდველის მხრიდან მიღება-ჩაბარების აქტზე ხელმოწერა უფლებამოსილ პირს წარმოადგენს სსიპ „ვეტერანების საქმეთა სახელმწიფო სამსახურის“ ლოგისტიკის დეპარტამენტის მატერიალურ-ტექნიკური უზრუნველყოფის განყოფილების უფროსი ლევან შანიძე.

მუხლი 5. ანგარიშსწორება

- 5.1. მიმწოდებელთან ანგარიშსწორება განხორციელდება უნაღდო ანგარიშსწორებით ეროვნულ ვალუტაში.
- 5.2. ანგარიშსწორების საფუძველია მხარეების უფლებამოსილი პირების მიერ ფაქტობრივად მიწოდებულ მომსახურებაზე გაფორმებული მიღება-ჩაბარების აქტი.
- 5.3. მიმწოდებელთან ანგარიშსწორება განხორციელდება მიღება-ჩაბარების აქტის გაფორმებიდან არაუგვიანეს 10 (ათი) სამუშაო დღის ვადაში;
- 5.4. საავანსო ანგარიშსწორების მექანიზმი არ გამოიყენება.

მუხლი 6. მხარეთა უფლება-მოვალეობები

- 6.1. შემსყიდველის უფლება აქვს:
 - 6.1.1. შეამოწმოს შესყიდვის მახასიათებლების შესაბამისობა ხელშეკრულებით გათვალისწინებულ პირობებთან;
 - 6.1.2. რაიმე ნაკლის აღმოჩენის შემთხვევაში, აცნობოს და მოსთხოვოს მიმწოდებელს ნაკლის დაუყოვნებლივ გამოსწორება;
 - 6.1.3. მოითხოვოს მიმწოდებლისგან ხელშეკრულების ჯეროვანი, დროული და კეთილსინდისიერი შესრულება.
- 6.2. შემსყიდველი ვალდებულია:
 - 6.2.1. უზრუნველყოს მიმწოდებელთან ანგარიშსწორება ხელშეკრულებით გათვალისწინებული პირობების შესაბამისად;
 - 6.2.2. დაიცვას ხელშეკრულებით გათვალისწინებული პირობები.
- 6.3. მიმწოდებელს უფლება აქვს:
 - 6.3.1. მოსთხოვოს შემსყიდველს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

6.4. მიმწოდებელი ვალდებულია:

- 6.4.1. უზრუნველყოს ხელშეკრულების პირობების შესრულება;
- 6.4.2. მიმწოდებელი ვალდებულია გადასცეს შემსყიდველს ნივთობრივად უნაკლო და ახალი საქონელი
- 6.4.3. შესყიდვის ობიექტის ჩაბარებისას, მიღება-ჩაბარების აქტის გაფორმებამდე რაიმე ხარვეზის აღმოჩენის შემთხვევაში მიმწოდებელი ვალდებულია უზრუნველყოს მისი გამოსწორება (ახალი შესყიდვის ობიექტის მიწოდება) არაუგვიანეს 2 (ორი) კალენდარული დღის ვადაში.

მუხლი 7. ხელშეკრულებაში ცვლილებების შეტანა და შეწყვეტა

- 7.1. ხელშეკრულებაში ნებისმიერი ცვლილების ან დამატების შეტანა შესაძლებელია მხარეთა შეთანხმების საფუძველზე, ორივე მხარის მიერ ხელმოწერილი წერილობითი ფორმით;
- 7.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით;
- 7.3. საქართველოს სამოქალაქო კოდექსის 398-ე მუხლით გათვალისწინებულ შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით;
- 7.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ;
- 7.5. მხარე ვალდებულია 7.4. პუნქტით გათვალისწინებული გადაწყვეტილების მიღების განზრახვის შესახებ არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს;
- 7.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

მუხლი 8. მხარეთა პასუხისმგებლობა

- 8.1. მხარეები კისრულობენ ვალდებულებას აუნაზღაურონ მეორე მხარეს მათ მიერ წინამდებარე ხელშეკრულების პირობების შეუსრულებლობისათვის ან არასრულად შესრულების შედეგად მიყენებული ზიანი, მოქმედი კანონმდებლობით განსაზღვრული წესით;
- 8.2. ერთი მხარის მიერ ხელშეკრულების პირობების შეუსრულებლობის ან არაჯეროვანი შესრულების შემთხვევაში მეორე მხარე უფლებამოსილია მოითხოვოს პირგასამტეხლო შეუსრულებელი ვალდებულების 0.1 %-ის ოდენობით ყოველ ვადაგადაცილებულ დღეზე;
- 8.3. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 1 (ერთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება;
- 8.4. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

მუხლი 9. ხელშეკრულების შესრულების შეფერხება

- 9.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუზიაროს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

მუხლი 10. დაუძლეველი ძალა

- 10.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია აუცდენელი დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ. წინააღმდეგ შემთხვევაში, შესაბამისი მხარე არ თავისუფლდება ნაკისრი ვალდებულებების შესრულებისაგან;
- 10.2. მხარეთა პასუხისმგებლობა და ვალდებულებები განახლდება ფორს-მაჟორული გარემოებების დასრულებისთანავე.

მუხლი 11. სადავო საკითხების გადაწყვეტა

- 11.1. ხელშეკრულების შესრულებისას მხარეთა შორის წამოჭრილი დავები შესაძლებელია გადაწყვეტილ

იქნას ორივე მხარის ერთობლივი მოლაპარაკების საფუძველზე;

- 11.2. თუ მხარეები მოლაპარაკების დაწყებიდან 10 (ათი) კალენდარული დღის განმავლობაში ვერ მიაღწევენ შეთანხმებას, მხარეებს უფლება აქვთ მიმართონ სასამართლოს საქართველოში მოქმედი კანონმდებლობის შესაბამისად.

მუხლი 12. ხელშეკრულების მოქმედების ვადა

- 12.1. წინამდებარე ხელშეკრულება ძალაში შედის მხარეთა მიერ მათი ხელმოწერის დღიდან და მოქმედებს 2018 წლის 31 იანვრის ჩათვლით.

„შემსყიდველი“

სსიპ „ვეტერანების საქმეთა სახელმწიფო სამსახური“
ს/კ: 205 309 637
მის: ქ. თბილისი, გორგასლის ქუჩა #89
ტელ: (032) 2-75-39-89 2-75-39-90
სახელმწიფო ხაზინა.
TRESGE22
ხაზინის ერთიანი ანგარიში



დირექტორის მოადგილე
მირონ ჩიგოგინძე

„მიმწოდებელი“

შპს: „აიფიემ კვლევები“
ს/კ: 204 447 544
მის: ვაჟა-ფშაველას #16
ტელ: 2-38-08-21 2-99-82-03
ს.ს. „თი ბი სი ზანკი“
ბანკის კოდი: TBCBGE22
ანგარიშის # GE37TB1100000120467807



დირექტორი
გოჩა ცქიტიშვილი

№	შესყიდვის ობიექტის დასახელება	თვეების რაოდენობა	ერთ თვეში გაწეული მომსახურების ღირებულება	საერთო ღირებულება
1	ახალი ავტომობილის სააგენტოების მომსახურებები	11	6400 ლარი	70400 ლარი

„შემსყიდველი“

სსიპ „ვეტერანების საქმეთა სახელმწიფო სამსახური“



„მიმწოდებელი“



საინფორმაციო სააგენტო უნდა უზრუნველყოფდეს:

შემსყიდველი ორგანიზაციის საქმიანობის და შემსყიდველი ორგანიზაციის მიერ ჩატარებული ღონისძიებების შესახებ ანონსების და ინფორმაციების მომზადება და გაშუქება თვეში არანაკლებ 15-ჯერ;
 მიმწოდებელმა ხელშეკრულების გაფორმებიდან 2017 წლის 31 დეკემბრის ჩათვლით, საკუთარ ვებ-გვერდზე უნდა უზრუნველყოს შემსყიდველი ორგანიზაციის ბანერის განთავსება;
 მიმწოდებელმა უნდა უზრუნველყოს პრესკლუბის მომსახურება თვეში არანაკლებ 3-ჯერ;
 შემსყიდველი ორგანიზაციის მიერ მომზადებული პრესრელიზების, ვიდეო და ფოტო მასალის სხვა მედიასაშუალებებში გავრცელება.

დასავლეთ საქართველოში საინფორმაციო სააგენტო უნდა უზრუნველყოფდეს:

თვეში არანაკლებ 6 სიახლის, ჟურნალისტიკის მიერ მომზადებული არანაკლებ 2 სიუჟეტის, შემსყიდველი ორგანიზაციის მიერ გაგზავნილი არანაკლებ 2 ვიდეოს ატვირთვა რეგიონალური საინფორმაციო სააგენტოს ვებ-გვერდზე;

კახეთის რეგიონში საინფორმაციო სააგენტო უნდა უზრუნველყოფდეს:

მოწოდებული ინფორმაციის გამოქვეყნება სიახლეების ბლოკში [მიმწოდებლის მითითებით] - არანაკლებ 10 სიახლე თვეში;
 ახალი ამბების ონლაინ პორტალი;
 საინფორმაციო ონლაინ პორტალი;
 ახალი ამბების ვიდეოარხი;
 რადიო - სათემო რადიო;
 განცხადებების ონლაინ პორტალი;

საინფორმაციო სააგენტო უნდა უზრუნველყოფდეს:

შემსყიდველი ორგანიზაციის მიერ ჩატარებული ღონისძიებების შესახებ ანონსების და ინფორმაციის მომზადება, გაშუქება და სხვა მედიასაშუალებებისთვის ელექტრონული ფოსტით მიწოდება თვეში არანაკლებ 10-ჯერ.
 ღონისძიების შეკვეთილი ფოტო-გადაღება თვეში არა არანაკლებ 2-ჯერ;
 შეკვეთილი ინტერვიუსებისა და კომენტარების მომზადება და გავრცელება თვეში არანაკლებ -1-ჯერ;

საინფორმაციო სააგენტო უნდა უზრუნველყოფდეს:

შემსყიდველი ორგანიზაციის მიერ მოწოდებული ინფორმაციის შეუზღუდავი გავრცელება;
 შეუზღუდავი ინფორმაციის გავრცელება დღის რეპორტაჟში (ე.წ. „სლაიდში“);
 სხვა მედიასაშუალებებში გავრცელებული დღის ინფორმაციის ან სტატიის გავრცელება არანაკლებ 3-ჯერ;
 შემსყიდველი ორგანიზაციის მიერ მოწოდებული ვიდეოფაილების გავრცელება 10-ჯერ;
 მიმწოდებელმა უნდა უზრუნველყოს პრესკლუბის მომსახურება თვეში არანაკლებ 3-ჯერ;

მედია მონიტორინგი უნდა აკმაყოფილებდეს შემდეგ მოთხოვნებს:

ყოველდღიური მედია მონიტორინგის გაწევა (ტელევიზია, ბეჭდვითი მედია, რადიო, საინფორმაციო სააგენტოები) და მონიტორინგის შედეგებით სამსახურის უზრუნველყოფა.
 გაუწიოს მონიტორინგი და ანალიზი ყველა წინასწარ შეთანხმებულ აქცენტებზე ინფორმაციას, რაც განთავსებულია მედიაში.
 მოამზადოს ყოველთვიური და ყოველწლიური ანგარიშები;
 მედია რეიტინგის მიწოდება (ტელევიზია);
 მონიტორინგს უნდა ექვემდებარებოდეს შემდეგი ჩამონათვალი:

ტელევიზია:

I არხი; რუსთავი 2; ტელეკომპანია პირველი; იმედი; კავკასია; მანეტრო; იბერია; ტაბულა; პალიტრა; ერთსულოვნება; აჭარა; ჯიდიესი ტვ;

პრესა:

Georgia today; Georgian journal; The Georgian Messenger; აგრარული საქართველო; ალია; არსენალი; ასავალ-დასავალი; აჭარა; აჭარა პ.ს; ახალი გაზეთი; ვერსია; ახალი თაობა; ბათუმელები; ბანკები და ფინანსები; ბომონდი; რეიტინგი; სარკე; საქართველო და მსოფლიო; საქართველოს რესპუბლიკა; სითი; ფორბსი (ქართული); ქართული სიტყვა; ქრონიკა+; კომერსანტი რუსული; კავკასიან ბიზნეს ვიქი; გზა; თბილისელები; კახეთის ხმა; კვირის პალიტრა; კვირის ქრონიკა; ლელო; ლიბერალი; პრაიმ ტაიმი; რეზონანსი; მთელი კვირა-რეზონანსი, ფაინენშალ, ეგო, ოკ, ფოკუსი, ინდიგო, Business Time Georgia.

რადიოსადგურები:

იმედი; კომერსანტი; რადიო თავისუფლება; პალიტრა; საქართველოს ხმა; რადიო ჯაკო; რადიო ქალაქი; ფორტუნა; მწვანე ტალღა; რადიო 1; მაესტრო; აფხაზეთის ხმა;

ინტერნეტი:

ghn. ipn.ge; pirweli.com.ge; medianews.ge; expresnews.ge; news.ge; frontnews.ge; info9.ge; netgazeti.ge; tabula.ge; liberali.ge; commersant.ge; gbc.ge; presa.ge; droni.ge; palitra.tv.ge; Ibusiness.ge; civil.ge; media.ge; humanrights.ge; geonews.ge; for.ge; medportal.ge; navigator.ge; bpi.ge; Ipress.ge; gncc.ge; fact.ge; foreignpress.ge; itv.ge; newspress.ge; newposts.ge; regions.ge; tspress.ge; tv25.ge; reportiori.ge; opinion.ge; pirveliradio.ge; Accent.com.ge; Marshalpress.ge; Cp.ge; Kvira.ge; bfm.ge;

რეგიონალური მედიის ლინკები:

www.ick.ge; www.gurianews.com; www.qartli.ge; www.icmm.ge; www.batumelebi.ge; www.tspress.ge; www.livepress.ge; www.rustavisambebi.ge; www.newpress.ge; www.sknews.ge; www.netgazeti.ge; www.accents.ge; www.marshapress.ge

ინფორმაციული მონიტორინგის მიწოდებისათვის სავალდებულო მიმდინარე პარამეტრული ერთეულები:

თარიღი;
მედიის ტიპი/სახეობა/საშუალება;
ტელევიზიის/რადიოს/პრესის/ვებ-გვერდისდასახელება;
ინფორმაციის ტიპი;
სტატიის სათაური;
სექტორი/ინდუსტრია/კატეგორია;
ფაილების გადმოწერის მარტივი ფუნქცია;
სატელევიზიო/რადიოსიუჟეტის ჩანაწერი/სტატიის დასკანერებული ასლი;
ვებ-გვერდის ლინკი;
ავტორი;
აქცენტი;
სუბიექტი/კომენტატორი;
ობიექტი-კომპანიის/პიროვნების/ადგილმდებარეობისჩამონათვალი;
ობიექტების შეფასება ყველა მედიაში;
პერსონების, აქცენტების, სუბიექტების, ობიექტების მოხსენიების სიხშირე;
უწყებების, ინსტიტუციების, კომპანიების მოხსენიების სიხშირე;
სიუჟეტის/სტატიის ხანგრძლივობა;
სიუჟეტის/სტატიისმოცულობა;
სიუჟეტის/სტატიის განლაგება/პოზიციონირება;
სიუჟეტის/სტატიის თანმიმდევრობა;
სიუჟეტის/სტატიის თემატური დაიჯესტი (Word-შიექსპორტი);
მონიტორინგის ყოველდღიური/ყოველკვირეული/ყოველთვიური დაიჯესტები დამკვეთის მიერ მოთხოვნილ აქცენტებზე;
ტელეარხების, გადაცემების, დებატების, თოქ-შოუს, საინფორმაციო გამოშვებების ყოველდღიური რეიტინგები/წილი/გაზომვა ზოგადი და სასურველ ობიექტთან, პიროვნებასთან მიმართებაში;
მექანიზმი შემუშავებული აფიფელმეტრით.
პრესის (გაზეთები/ჟურნალები) კვლევა (ცნობადობა, ნდობა, რეიტინგი);

საინფორმაციო სააგენტო უნდა უზრუნველყოფდეს:

ყოველთვიურად, არანაკლებ 8-ჯერ სატელევიზიო გადაცემის მომზადება და შემდგომში ეთერში გაშვება.

სატელევიზიო გადაცემის ქრონომეტრაჟის ხანგრძლივობა არანაკლებ 45წთ;

ომისა და სამხედრო ძალების ვეტერანების სატელევიზიო გადაცემა უნდა მოიცავდეს შემდეგს:

კვირის ონფორმაციის დაიჯესტი;

ვეტერანების საქმეთა სახელმწიფო სამსახურის ოფიციალური ამბებს;

არასამთავრობო ორგანიზაციების აქტივობებს;

დაჯილდოებას, გარდაცვალება, სოციალური ამბები და ა.შ.;

„შემსყიდველი“

სსიპ „ვეტერანების საქმეთა სახელმწიფო სამსახური“



„მიმწოდებელი“

